

IZVOD IZ KONKURSA / NATJEČAJA / ZA UPIS STUDENATA U PRVU GODINU I CIKLUSA STUDIJA PRAVNOG FAKULTETA U SARAJEVU, ŠKOLSKE 2024/2025. GODINE

Pravni fakultet u Sarajevu upisuje:

na **REDOVNI** studij **100** studenata, na **REDOVNI SAMOFINANSIRAJUĆI** studij **100** studenata, na **VANREDAN** studij **50** studenata, **STRANI DRŽAVLJANI 10** studenata.

Prijava kandidata za Konkurs za upis u prvu godinu prvog ciklusa studija provodi se isključivo online putem Informacionog sistema eUNSA, www.upis.unsa.ba u dva prijavna roka:

**ZA PRVI UPISNI ROK PRIJAVE NA KONKURS ZA UPIS STUDENTA U PRVU GODINU PRVOG CIKLUSA
STUDIJA PRAVNOG FAKULTETA UNIVERZITETA U SARAJEVU U STUDIJSKOJ 2024/2025. GODINI**

od 10. juna/lipnja do 05. jula/srpnja 2024. god.

**ZA DRUGI UPISNI ROK PRIJAVE NA KONKURS ZA UPIS STUDENTA U PRVU GODINU PRVOG CIKLUSA
STUDIJA PRAVNOG FAKULTETA UNIVERZITETA U SARAJEVU U STUDIJSKOJ 2024/2025. GODINI**

od 26. augusta/kolovoza do 13. septembra/rujna 2024. god.

Prijavni rokovi se zatvaraju na navedene datume u 16:00 sati.

Pravo prijave na drugi prijavni rok imaju svi kandidati koji konkurišu prvi put za upis, kao i kandidati koji su konkurisali u prethodnom roku, a nisu ispunili uvjete za upis.

Pravo učešća na Konkursu /Natječaju/ imaju kandidati sa završenom srednjom školom u četverogodišnjem trajanju. Kandidati koji su srednju školu završili van BiH, dužni su predhodno izvršiti **ekvivalenciju** svjedočanstava u **Ministarstvu za odgoj i obrazovanje Kantona Sarajevo**.

DOKUMENTI POTREBNI ZA ONLINE PRIJAVU NA KONKURS

Prijave na Konkurs za upis u prvu godinu I ciklusa studija vrše se isključivo online, putem informacionog sistema eUNSA, www.upis.unsa.ba.

Podaci o kandidatima koji su srednju školu završili u Kantonu Sarajevo prilikom registracije povezuju se sa podacima u sistemu EMIS, te su dužni uploadovati Uvjerenje o državljanstvu i Izvod iz matične knjige rođenih.

Kandidati koji su završili srednju školu po međunarodnim programima u Kantonu Sarajevo dužni su skenirati i uploadovati dokumente koji se ne nalaze u sistemu EMIS.

Kandidati koji su srednju školu završili izvan Kantona Sarajevo, dužni skenirati i uploadovati sljedeće originalne dokumente:

- svjedočanstva o završenim razredima srednje škole završene u Bosni i Hercegovini u četvorogodišnjem trajanju odnosno odgovarajuće priznate dokumente za kandidate koji srednju školu nisu završili u Bosni i Hercegovini (ukoliko su dokumenti u postupku ekvivalencije, prilaže se potvrda kao dokaz da je postupak ekvivalencije u toku)
- diplomu o završenoj srednjoj školi,
- izvod iz matične knjige rođenih,
- uvjerenje o državljanstvu,
- dokumente relevantne za utvrđivanje broja bodova po kriterijima, kao i dokumente relevantne za dokazivanje statusa pripadnosti kategoriji djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja, dokumente kojima se dokazuje stoprocentni invaliditet.
- kandidati koji pripadaju posebnim kategorijama dužni su uploadovati dokaz o prijavljenom prebivalištu u Kantonu Sarajevo- CIPS potvrda.

Prijave podnesene putem informacionog sistema eUNSA poslije roka utvrđenog Konkursom kao i nepotpune prijave, neće se uzimati u razmatranje.

RANGIRANJE KANDIDATA I PRIJEM STUDENATA U PRVU GODINU STUDIJA VRŠIT ĆE SE U ZAVISNOSTI OD BROJA BODOVA KOJE KANDIDAT OSTVARI:

- a) IZ OPĆEG USPJEHA** (Prosječna ocijena iz svih predmeta u sva četiri razreda, zaokružena na dvije decimale i pomnožena sa 4.).
Maksimalan broj bodova je **20**.

**b) IZ USPJEHA NA PREDMETIMA OD ZNAČAJA ZA STUDIJ PRAVA. (Maternji jezik, Historija, Sociologija i Engleski jezik zbir prosječnih ocjena zaokruženih na dvije decimale i pomnožena sa 16.)
Maksimalan broj bodova je 80.**

c) NA OSNOVU REZULTATA OSTVARENIH NA OPĆINSKOM, KANTONALNIM, NA NIVOU ENTITETA, DRŽAVNIM I MEĐUNARODNIM TAKMIČENJIMA IZ PREDMETA: Maternji jezik, Historija, Sociologija i Engleski jezik (Bodove vidjeti u Konkursu/Natječaju/ -član 20.)

d) KANDIDATIMA KOJI SU IMALI ODLIČAN (5,0) USPJEH iz svih nastavnih predmeta i primjerno vladanje u toku cjelokupnog srednjoškolskog obrazovanja, dodjeljuje se 5 (pet) bodova.

Kandidatima sa završenom srednjom školom u četverogodišnjem trajanju po međunarodnim programima odobrenim od strane nadležnog ministarstva i koji su polagali eksternu provjeru znanja iz predmeta od značaja za studij, dodjeljuju se dodatni bodovi za svaki pojedinačni predmet po sljedećoj shemi: (ocjena A* ili A – 3 boda, ocjena B – 2 boda i ocjena C – 1 bod).

Bodovanje uspjeha ovih kandidata se vrši na osnovu predviđenih ocjena (forecast grades) koje daju predmetni profesori, uz obavezu dostavljanja certifikata i/ili diplome prije početka studijske godine.

Ekvivalencija ocjena za učenike sa završenim IB programom vršit će se u skladu sa instrukcijom Ministarstva za obrazovanje, nauku i mlade Kantona Sarajevo.

Pod jednakim uvjetima iz ovih Kriterija, prednost imaju:

- djeca boraca-branitelja BiH,
- djeca ratnih vojnih invalida,
- djeca šehida i poginulih i nestalih boraca-branitelja i umrlih ratnih vojnih invalida,
- djeca organizatora otpora,
- djeca veterana-prvoboraca i
- djeca nosilaca najviših ratnih priznanja

(čl. 2, 6. i 26. Zakona o dopunskim pravima boraca-branitelja BiH (“Službene novine Kantona Sarajevo”, broj: 31/22).

Na studijskim programima svih ciklusa studija Univerziteta koje finansira osnivač, lice sa utvrđenim stoprocentnim invaliditetom ima pravo upisati se u statusu studenta oslobođenog od plaćanja školarine, bez mogućnosti da ovaj status izgubi, pod uslovom da je:

- a) položilo prijemni ispit ukoliko je isti predviđen,
- b) sposobno obavljati praktične zadatke u nastavi,
- c) da je steklo pravo upisa na odgovarajući ciklus studija,
- d) da je dostavilo dokaz nadležne institucije o statusu invalida i procentu invaliditeta.

PRELIMINARNA RANG LISTA KANDIDATA SA PRVOG PRIJAVNOG ROKA koji ispunjavaju uslov za upis na fakultete/akademije Univerziteta u Sarajevu bit će objavljena 08. 07. 2024. godine.

Na preliminarnu rang-listu kandidati imaju pravo prigovora u roku od dva dana od dana objave iste, o kojoj je Vijeće fakulteta/akademije obavezno donijeti odluku u roku od tri dana.

Odluka vijeća po prigovoru je konačna. Nakon isteka žalbenog roka Komisija je obavezna u eUNSA sistem unijeti i verificirati rezultate po uvaženom prigovoru.

Konačna rang-lista kandidata koji su stekli pravo na upis u svim statusima objavljuje se 12.07.2024. godine na informacionom sistemu eUNSA kao i na oglasnoj ploči/web stranici fakulteta/akademije.

U roku od 5 (pet) radnih dana od dana objave konačne rang liste, kandidat koji je ostvario pravo na upis je obavezan dostaviti originale uplaudovanih dokumenata fakultetu i izvršiti upis; u suprotnom smatra se da je odustao od upisa na studijski program za koji je aplicirao.

UPIS PRIMLJENIH KANDIDATA ZA **PRVI UPISNI ROK** OBAVIT ĆE SE NAKON
OBJAVLJIVANJA KONAČNE RANG-LISTE

od 15. jula/srpnja do 19. jula/srpnja 2024. godine.

PRELIMINARNA RANG LISTA KANDIDATA SA DRUGOG PRIJAVNOG ROKA koji ispunjavaju uslov za upis na fakultete/akademije Univerziteta u Sarajevu bit će objavljena 16. 09. 2024. godine.

Na preliminarnu rang-listu kandidati imaju pravo prigovora u roku od dva dana od dana objave iste, o kojoj je Vijeće fakulteta/akademije obavezno donijeti odluku u roku od tri dana.

Odluka vijeća po prigovoru je konačna. Nakon isteka žalbenog roka Komisija je obavezna u eUNSA sistem unijeti i verificirati rezultate po uvaženom prigovoru.

Konačna rang-lista kandidata koji su stekli pravo na upis u svim statusima objavljuje se 20.09.2024. godine na informacionom sistemu eUNSA kao i na oglasnoj ploči/web stranici fakulteta/akademije.

U roku od 5 (pet) radnih dana od dana objave konačne rang liste, kandidat koji je ostvario pravo na upis je obavezan dostaviti originale uplaudovanih dokumenata fakultetu i izvršiti upis; u suprotnom smatra se da je odustao od upisa na studijski program za koji je aplicirao.

UPIS PRIMLJENIH KANDIDATA ZA **DRUGI UPISNI ROK** OBAVIT ĆE SE NAKON
OBJAVLJIVANJA KONAČNE RANG-LISTE

od 23. septembra/rujna do 27. septembra/rujna 2024. godine.